

Izjava visokog predstavnika Christiana Schmidta



“Danas sam, kao visoki predstavnik, donio nalog o obustavi primjene *Zakona o nepokretnoj imovini koja se koristi za funkcioniranje javne vlasti Republike Srpske*.

Obustavio sam primjenu Zakona do ocjene Ustavnog suda, kako bi se izbjegle negativne pravne reperkusije za građane i potencijalne investitore.

Danas proširujem i zabranu raspolaganja državnom imovinom kako bih je uskladio sa tumačenjem Ustavnog suda datim u relevantnim odlukama. Ovom odlukom jasno se daje do znanja da samo država BiH može raspolagati državnom imovinom odnosno uređivati vlasništvo nad državnom imovinom, što se primjenjuje na sve nivoe vlasti u Bosni i Hercegovini.

Pitanje državne imovine ne može se riješiti jednostranim mjerama, već samo procesom u Parlamentarnoj skupštini Bosne i Hercegovine. Više puta sam nudio pomoć da se problem riješi na zakonit način.

Građanima Republike Srpske želim reći: odluke koje sam danas donio ni na koji način ne umanjuju status tog entiteta. Zakon koji su usvojile vlasti Republike Srpske narušio bi pravnu sigurnost i pouzdanost poslovnog i investicionog okruženja. Osiguravanje pravne sigurnosti i jačanje vladavine prava najbolja su zaštita individualnih imovinskih prava i najbolja garancija održivih i profitabilnih investicija u Republici Srpskoj i cijeloj Bosni i Hercegovini.

Ove odluke stupaju na snagu odmah po objavljivanju na internet stranici OHR-a."

Kompletnu izjavu možete pogledati na: <https://www.youtube.com/watch?v=738ZVuCRAPc>